

कृष्ण यजुर्वेदीय तैत्तिरीय  
संहिता, पद, जटा, घन पाठः

3.5 तृतीयकाण्डे पञ्चमः प्रश्नः - इष्टिशेषानि

## **Contents**

<b>TS 3.5.1.1</b>	<b>4</b>
<b>TS 3.5.1.2</b>	<b>4</b>
<b>TS 3.5.1.3</b>	<b>5</b>
<b>TS 3.5.1.4</b>	<b>6</b>
<b>TS 3.5.2.1</b>	<b>8</b>
<b>TS 3.5.2.2</b>	<b>9</b>
<b>TS 3.5.2.3</b>	<b>9</b>
<b>TS 3.5.2.4</b>	<b>10</b>
<b>TS 3.5.2.5</b>	<b>11</b>
<b>TS 3.5.3.1</b>	<b>12</b>
<b>TS 3.5.3.2</b>	<b>13</b>
<b>TS 3.5.4.1</b>	<b>14</b>
<b>TS 3.5.4.2</b>	<b>14</b>

	2
<b>TS 3.5.4.3</b>	<b>15</b>
<b>TS 3.5.4.4</b>	<b>16</b>
<b>TS 3.5.5.1</b>	<b>17</b>
<b>TS 3.5.5.2</b>	<b>18</b>
<b>TS 3.5.5.3</b>	<b>19</b>
<b>TS 3.5.6.1</b>	<b>20</b>
<b>TS 3.5.6.2</b>	<b>21</b>
<b>TS 3.5.6.3</b>	<b>21</b>
<b>TS 3.5.7.1</b>	<b>22</b>
<b>TS 3.5.7.2</b>	<b>23</b>
<b>TS 3.5.7.3</b>	<b>24</b>
<b>TS 3.5.8.1</b>	<b>25</b>
<b>TS 3.5.9.1</b>	<b>26</b>
<b>TS 3.5.9.2</b>	<b>27</b>

	3
<b>TS 3.5.9.3</b>	<b>28</b>
<b>TS 3.5.10.1</b>	<b>29</b>
<b>TS 3.5.10.2</b>	<b>30</b>
<b>TS 3.5.10.3</b>	<b>30</b>
<b>TS 3.5.11.1</b>	<b>31</b>
<b>TS 3.5.11.2</b>	<b>32</b>
<b>TS 3.5.11.3</b>	<b>33</b>
<b>TS 3.5.11.4</b>	<b>34</b>
<b>TS 3.5.11.5</b>	<b>35</b>

**TS 3.5.1.1****TS 3.5.1.1****Samhita Paata**

पूर्णा प॒श्चादु॒त पूर्णा पुरस्ता॑दु॒न-म॑द्ध्यतः पौ॒र्णमा॒सी जि॑गाय । तस्यो॑न् दे॒वा अधि॑ स॒वस॑न्त उत्त॒मे  
नाके॑ इ॒ह मा॑दयन्तां ॥ यत्ते॑ दे॒वा अद॑धु भा॒ग॒धेय॑ममा॒वास्ये स॒वस॑न्तो म॒हित्वा । सानो॑ य॒ज्ञं पि॑पृहि  
विश्व॑वारे र॒यिं नो॑ धेहि सु॒भगे सु॑वीरं ॥ नि॒वेश॑नी स॒ङ्गम॑नी वसू॑नां वि॒श्वा रू॒पाणि॑ वसू॑न्यावे॒शय॑न्ती ।  
सह॑स्रपो॒षः सु॒भगा ररा॑णा सा न॒ आग॑न् व॒र्चसा - [ ]

**Pada Paata**

पूर्णा । प॒श्चात् । उ॒त । पूर्णा । पुरस्ता॑त् । उदि॒ति । म॑द्ध्यतः । पौ॒र्णमा॒सीति॑ पौर्ण - मा॒सी  
। जि॑गाय ॥ तस्यो॑म् । दे॒वाः । अधी॑ति । स॒वस॑न्त इति॑ सं - वस॑न्तः । उ॒त्त॒मे इत्यु॑त् - त॒मे  
। नाके॑ । इ॒ह । मा॑दयन्ता॒म् ॥ यत् । ते । दे॒वाः । अद॑धुः । भा॒ग॒धेय॑मिति॑ भाग - धेय॑म्  
। अमा॑वास्य इत्यमा॑ - वा॒स्ये । स॒वस॑न्त इति॑ सं - वस॑न्तः । म॒हित्वेति॑ म॒हि-त्वा ॥ सा ।  
नः । य॒ज्ञम् । पि॑पृहि । वि॒श्ववा॒र इति॑ विश्व - वा॒रे । र॒यिम् । नः । धेहि॑ । सु॒भग॒ इति॑ सु -  
भ॒गे । सु॒वीर॑मिति॑ सु - वी॒रम् ॥ नि॒वेश॑नीति॑ नि - वेश॑नी । स॒ङ्गम॑नीति॑ सं - गम॑नी । वसू॑नाम्  
। वि॒श्वा । रू॒पाणि॑ । वसू॑नि । आ॒वे॒शय॑न्तीत्या॑ - वे॒शय॑न्ती ॥ सह॑स्रपो॒षमिति॑ सहस्र - पो॒षम्  
। सु॒भगेति॑ सु-भगा॑ । ररा॑णा । सा । नः । एति॑ । ग॒न् । व॒र्चसा ।

## TS 3.5.1.2

### TS 3.5.1.2

#### Samhita Paata

संविदा॑ना ॥ अ॒ग्नी॑षोमौ प्रथ॒मौ वी॒र्ये॑ण वसू॑न् रु॒द्राना॑दित्यानि॒ह जि॑न्वतं । मा॒द्व्यः॑ हि पौ॒र्णमा॑सं जुषेथां  
ब्रह्म॑णा वृ॒द्धौ सु॑कृतेन सा॒तावथा॑ऽस्मभ्यः॑ स॒हवी॑राः॑ र॒यिं नि य॑च्छतं ॥ आ॒दि॒त्याश्चाऽङ्गि॑रसश्चा॒ग्नीना॑ऽद॒धत्  
ते द॑र॒शपूर्ण॑मा॒सौ प्रै॑प्सन् तेषा॒मङ्गि॑रसां निरु॑प्तः॑ ह॒विरासी॑दथाऽऽ\*दि॒त्या ए॒तौ हो॑मावपश्यन् ताव॑जुह॒वुस्ततो॑  
वै ते द॑र॒शपूर्ण॑मा॒सौ - [ ]

#### Pada Paata

संविदा॑नेति सं - विदा॑ना ॥ अ॒ग्नी॑षोमा॒वित्य॑ग्नी - सो॒मौ । प्रथ॒मौ । वी॒र्ये॑ण । वसू॑न् । रु॒द्रान् ।  
आ॒दि॒त्यान् । इ॒ह । जि॑न्वतम् ॥ मा॒द्व्यम् । हि । पौ॒र्णमा॑समिति पौ॒र्ण - मा॒सम् । जुषे॑थाम् ।  
ब्रह्म॑णा । वृ॒द्धौ । सु॑कृतेनेति सु - कृ॒तेन॑ । सा॒तौ । अथ॑ । अ॒स्मभ्य॑मित्य॒स्मभ्य॑म् । स॒हवी॑रामिति  
स॒ह-वी॑राम् । र॒यिम् । नीति॑ । य॒च्छत॑म् ॥ आ॒दि॒त्याः । च॒ । अ॒ङ्गि॑रसः । च॒ । अ॒ग्नीन्  
। एति॑ । अ॒द॒धत् । ते । द॑र॒शपूर्ण॑मा॒साविति॑ द॑र॒श - पूर्ण॑मा॒सौ । प्रेति॑ । ऐ॒प्सन् । तेषा॑म्  
। अ॒ङ्गि॑रसाम् । निरु॑प्तमिति निः - उ॒प्तम् । ह॒विः । आसी॑त् । अथ॑ । आ॒दि॒त्याः । ए॒तौ ।  
हो॑मौ । अ॒प॒श्यन् । तौ । अ॒जुह॑वुः । ततः॑ । वै । ते । द॑र॒शपूर्ण॑मा॒साविति॑ द॑र॒श - पूर्ण॑मा॒सौ ।

## TS 3.5.1.3

### TS 3.5.1.3

#### Samhita Paata

पूर्व आ ऽलभन्त द॒र॒शपूर्णमा॒सा-वा॒लभ॑मान ए॒तौ हो॒मौ पु॒रस्ता॑ज्जुहुयाथ सा॒क्षादे॒व द॒र॒शपूर्णमा॒सावा  
ल॑भते ब्रह्मवा॒दिनो॑ वदन्ति स त्वै द॒र॒शपूर्णमा॒सावा ल॑भेत॒ य ए॒नयो॑रनु-लो॒मञ्च॑ प्र॒तिलो॒मञ्च॑ वि॒द्यादि॒त्यमा॒वास्या॑या  
ऊ॒र्द्धं तद॑नुलो॒मं पौ॒र्णमा॒स्यै प्र॒तीची॑नं तत् प्र॒तिलो॒मं यत् पौ॒र्णमा॒सीं पूर्वा॑मा॒लभे॑त प्र॒तिलो॒ममे॑ना॒वा  
ल॑भेता-मु॒मप॑क्षीयमाण-मन्वप - [ ]

#### Pada Paata

पूर्व॑ । ए॒ति॑ । अ॒लभ॑न्त । द॒र॒शपूर्णमा॒सावि॑ति द॒र॒श - पूर्णमा॒सौ । आ॒लभ॑मान इ॒त्या-ल॑भमानः  
। ए॒तौ । हो॒मौ । पु॒रस्ता॑त् । जुहु॒यात् । सा॒क्षादि॑ति स - अ॒क्षात् । ए॒व । द॒र॒शपूर्णमा॒सावि॑ति  
द॒र॒श - पूर्णमा॒सौ । ए॒ति॑ । ल॑भेते । ब्रह्मवा॒दिन इ॑ति ब्रह्म - वा॒दिनः॑ । व॒दन्ति॑ । सः । तु ।  
वै । द॒र॒शपूर्णमा॒सावि॑ति द॒र॒श - पूर्णमा॒सौ । ए॒ति॑ । ल॑भेत । यः । ए॒नयोः॑ । अ॒नुलो॒ममि॑त्यनु  
- लो॒मम् । च॒ । प्र॒तिलो॒ममि॑ति॒ प्रति - लो॒मम् । च॒ । वि॒द्यात् । इ॒ति॑ । अ॒मावा॒स्याया॑ इ॒त्यमा॑  
- वा॒स्यायाः॑ । ऊ॒र्द्धम् । तत् । अ॒नुलो॒ममि॑त्यनु - लो॒मम् । पौ॒र्णमा॒स्या इ॑ति पौर्ण - मा॒स्यै ।  
प्र॒तीची॑नम् । तत् । प्र॒तिलो॒ममि॑ति॒ प्रति - लो॒मम् । यत् । पौ॒र्णमा॒सीमि॑ति॒ पौर्ण - मा॒सीम् ।  
पूर्वा॑म् । आ॒लभे॑तेत्या॑ - ल॑भेत । प्र॒तिलो॒ममि॑ति॒ प्रति-लो॒मम् । ए॒नौ । ए॒ति॑ । ल॑भेत । अ॒मुम्  
। अ॒प॒क्षीय॑माणमि॒त्यप॑ - क्षीय॑माणम् । अनु॑ । अ॒पेति॑ ।

## TS 3.5.1.4

### TS 3.5.1.4

#### Samhita Paata

क्षीयेत सारस्वतौ होमौ पुरस्ताज्जुहुयादमावास्या वै सरस्वत्यनुलोममेवैनावा लभते ऽमुमाप्यायमानमन्वा  
प्यायत आग्नावैष्णवमेकादशकपालं पुरस्तान्निर्वपेथ सरस्वत्यै चरुः सरस्वते द्वादशकपालं यदाग्नेयो  
भवत्यग्निर्वै यज्ञमुखं यज्ञमुखमेवर्द्धि पुरस्ताद्धत्ते यद्वैष्णवो भवति यज्ञो वै विष्णुर्यज्ञमेवाऽऽरभ्य  
प्रतनुते सरस्वत्यै ( ) चरुर्भवति सरस्वते द्वादशकपालोऽमावास्या वै सरस्वती पूर्णमासः सरस्वान्  
तावेव साक्षादा रभत ऋद्धोत्याभ्यां द्वादशकपालः सरस्वते भवति मिथुनत्वाय प्रजात्यै मिथुनौ गावौ  
दक्षिणा समृद्धयै ॥

#### Pada Paata

क्षीयेते । सारस्वतौ । होमौ । पुरस्तात् । जुहुयात् । अमावास्येत्यमा-वास्या । वै । सरस्वती  
। अनुलोममित्यनु-लोमम् । एव । एनौ । एति । लभेते । अमुम् । आप्यायमानमित्या -  
प्यायमानम् । अनु । एति । प्यायते । आग्नावैष्णवमित्याग्ना - वैष्णवम् । एकादशकपालमित्येकादश-  
कपालम् । पुरस्तात् । निरिति । वपेत् । सरस्वत्यै । चरुम् । सरस्वते । द्वादशकपालमिति  
द्वादश-कपालम् । यत् । आग्नेयः । भवति । अग्निः । वै । यज्ञमुखमिति यज्ञ-मुखम् ।  
यज्ञमुखमिति यज्ञ-मुखम् । एव । ऋद्धिम् । पुरस्तात् । धत्ते । यत् । वैष्णवः । भवति ।  
यज्ञः । वै । विष्णुः । यज्ञम् । एव । आरभ्येत्या - रभ्य । प्रेति । तनुते । सरस्वत्यै ( )  
। चरुः । भवति । सरस्वते । द्वादशकपाल इति द्वादश-कपालः । अमावास्येत्यमा - वास्या  
। वै । सरस्वती । पूर्णमास इति पूर्ण - मासः । सरस्वान् । तौ । एव । साक्षादिति स  
- अक्षात् । एति । रभते । ऋद्धोति । आभ्याम् । द्वादशकपाल इति द्वादश - कपालः ।



सर॑स्वते । भ॒व॒ति । मि॒थुन॒त्वायेति॑ मिथुन - त्वाय॑ । प्र॒जा॑त्या॒ इति॑ प्र - जा॒त्यै । मि॒थुनौ ।  
गावौ॑ । दक्षि॑णा । समृ॑द्ध्या॒ इति॑ सं - ऋ॒द्ध्यै ॥

## TS 3.5.2.1

### TS 3.5.2.1

#### Samhita Paata

ऋष॑यो वा इन्द्रं॑ प्र॒त्यक्षं॑ नाप॑श्यन् तं व॒सिष्ठः॑ प्र॒त्यक्षम॑पश्य॒थ सौ॑ऽब्रवी॒द्ब्राह्म॑णं ते वक्ष्यामि॑  
यथा॑ त्वत्पु॑रोहिताः प्र॒जाः प्र॑जनि॒ष्यन्ते॑ऽथ मेत॑रेभ्य॒ ऋषि॑भ्यो मा प्रवो॑च॒ इति॑ तस्मा॑ ए॒तान्श्स्तोम॑-  
भागान॑ब्रवीत् ततो॑ वसि॑ष्ठपुरोहिताः प्र॒जाः प्राजा॑यन्त॒ तस्मा॑द्-वासि॑ष्ठो ब्र॒ह्मा का॒र्यः प्रैव॑ जायते  
र॒श्मिर॑सि क्षया॑य त्वा॒ क्षयं॑ जि॒न्वे - [ ]

#### Pada Paata

ऋष॑यः । वै । इन्द्रं॑म् । प्र॒त्यक्ष॑मिति॑ प्रति - अक्ष॑म् । न । अ॒प॒श्य॒न् । तम् । व॒सिष्ठः॑ ।  
प्र॒त्यक्ष॑मिति॑ प्रति - अक्ष॑म् । अ॒प॒श्य॒त् । सः । अ॒ब्रवी॑त् । ब्राह्म॑णम् । ते । व॒क्ष्या॑मि ।  
यथा॑ । त्वत्पु॑रोहिता॒ इति॑ त्वत् - पु॒रोहि॑ताः । प्र॒जा इति॑ प्र - जाः । प्र॒जनि॑ष्यन्त॒ इति॑ प्र -  
जनि॑ष्यन्ते । अथ॑ । मा । इत॑रेभ्यः । ऋषि॑भ्य॒ इत्यृषि॑ - भ्यः । मा । प्रेति॑ । वोच॑ः । इति॑  
। तस्मै॑ । ए॒तान् । स्तोम॑भागानि॒ति स्तोम॑ - भा॒गान् । अ॒ब्रवी॑त् । ततो॑ । वसि॑ष्ठपुरोहिता॒ इति॑  
वसि॑ष्ठ - पु॒रोहि॑ताः । प्र॒जा इति॑ प्र - जाः । प्रेति॑ । अ॒जा॒य॒न्त॒ । तस्मा॑त् । वा॒सिष्ठः॑ । ब्र॒ह्मा  
। का॒र्यः । प्रेति॑ । ए॒व । जा॒य॒ते । र॒श्मिः । अ॒सि । क्षया॑य । त्वा॒ । क्षय॑म् । जि॒न्व । इति॑ ।

## TS 3.5.2.2

### TS 3.5.2.2

#### Samhita Paata

-त्याह दे॒वा वै क्षयो॑ दे॒वेभ्य॑ ए॒व य॒ज्ञं प्रा॒ऽऽह॑ प्रेति॑रसि॒ धर्मा॑य त्वा॒ धर्मं॑ जि॒न्वेत्या॑ह म॒नुष्या॑  
वै धर्मो॑ म॒नुष्ये॑भ्य ए॒व य॒ज्ञं प्रा॒ऽऽह॑ हान्वि॑तिरसि॒ दिवे॑ त्वा॒ दिवं॑ जि॒न्वेत्या॑हैभ्य ए॒व लो॒केभ्यो॑ य॒ज्ञं  
प्रा॒ऽऽह॑ वि॒ष्टम्भो॑ऽसि॒ वृष्ट्यै॑ त्वा॒ वृष्टिं॑ जि॒न्वेत्या॑ह॒ वृष्टि॑मे॒वाव॑ - [ ]

#### Pada Paata

आ॒ह । दे॒वाः । वै । क्षयः॑ । दे॒वेभ्यः॑ । ए॒व । य॒ज्ञम् । प्रेति॑ । आ॒ह । प्रेति॑रिति॒ प्र - इति॑ ।  
अ॒सि । धर्मा॑य । त्वा॒ । धर्म॑म् । जि॒न्व । इति॑ । आ॒ह । म॒नुष्याः॑ । वै । धर्मः॑ । म॒नुष्ये॑भ्यः  
। ए॒व । य॒ज्ञम् । प्रेति॑ । आ॒ह । अ॒न्वि॑तिरित्यनु॒-इति॑ । अ॒सि । दिवे॑ । त्वा॒ । दिव॑म् ।  
जि॒न्व । इति॑ । आ॒ह । ए॒भ्यः । ए॒व । लो॒केभ्यः॑ । य॒ज्ञम् । प्रेति॑ । आ॒ह । वि॒ष्ट॒भं इति॑  
वि - स्त॒भः । अ॒सि । वृष्ट्यै॑ । त्वा॒ । वृष्टि॑म् । जि॒न्व । इति॑ । आ॒ह । वृष्टि॑म् । ए॒व । अ॒वेति॑ ।

## TS 3.5.2.3

### TS 3.5.2.3

#### Samhita Paata

रुन्धे प्र॒वाऽस्य॑नु॒वाऽसीत्या॑ह मिथु॒न॒त्वायो॑शिगांसि॒ वसु॑भ्यस्त्वा॒ वसू॑ञ्जिन्वेत्या॑ह॒ष्टौ वस॑व॒ एका॑दश रु॒द्रा  
द्वा॑द॒शाऽऽदि॑त्या ए॒ताव॑न्तो॒ वै दे॒वास्ते॑भ्य॒ एव॑ य॒ज्ञं प्रा॑ऽऽहौजो॑ऽसि पि॒तृभ्य॑स्त्वा पि॒तृन् जि॑न्वेत्या॑ह  
दे॒वाने॒व पि॒तृन॑नु सन्त॑नोति॒ तन्तु॑रसि प्र॒जाभ्य॑स्त्वा प्र॒जा जि॑न्वे - [ ]

#### Pada Paata

रुन्धे । प्र॒वेति॑ प्र - वा । अ॒सि । अ॒नुवे॑त्यनु - वा । अ॒सि । इति॑ । आ॒ह । मि॒थुन॒त्वाये॑ति  
मिथु॒न - त्वा॑य॒ । उ॒शिक् । अ॒सि । वसु॑भ्य इति॒ वसु॑ - भ्यः । त्वा । वसू॑न् । जि॒न्व ।  
इति॑ । आ॒ह । अ॒ष्टौ । वस॑वः । एका॑दश । रु॒द्राः । द्वा॑द॒श । अ॒दि॒त्याः । ए॒ताव॑न्तः । वै  
। दे॒वाः । ते॒भ्यः । ए॒व । य॒ज्ञम् । प्रेति॑ । आ॒ह । ओजः॑ । अ॒सि । पि॒तृभ्य॑ इति॒ पि॒तृ -  
भ्यः । त्वा । पि॒तृन् । जि॒न्व । इति॑ । आ॒ह । दे॒वान् । ए॒व । पि॒तृन् । अनु॑ । समि॒तिं  
। त॒नोति॑ । तन्तुः॑ । अ॒सि । प्र॒जाभ्य॑ इति॒ प्र - जा॑भ्यः । त्वा । प्र॒जा इति॑ प्र - जाः । जि॒न्व ।

## TS 3.5.2.4

### TS 3.5.2.4

#### Samhita Paata

-त्याह पितृनेव प्रजा अनु सन्तनोति पृतनाषाडसि पशुभ्यस्त्वा पशूञ्जिन्वेत्याह प्रजा एव पशून्नु  
सन्तनोतिरेवदस्यो-षधीभ्य स्त्वौषधी-र्जिन्वेत्याहौषधीष्वेव पशून् प्रतिष्ठापयत्यभिजिदसि युक्तग्रावेन्द्राय  
त्वेन्द्रं जिन्वेत्याहभिजित्या अधिपतिरसि प्राणाय त्वा प्राणं - [ ]

### Pada Paata

इति । आह । पितृन् । एव । प्रजा इति प्र - जाः । अनु । समिति । तनोति । पृतनाषाट्  
। असि । पशुभ्य इति पशु - भ्यः । त्वा । पशून् । जिन्व । इति । आह । प्रजा इति प्र  
- जाः । एव । पशून् । अनु । समिति । तनोति । रेवत् । असि । ओषधीभ्य इत्योषधि  
- भ्यः । त्वा । ओषधीः । जिन्व । इति । आह । ओषधीषु । एव । पशून् । प्रतीति ।  
स्थापयति । अभिजिदित्यभि - जित् । असि । युक्तग्रावेति युक्त - ग्रावा । इन्द्राय । त्वा ।  
इन्द्रम् । जिन्व । इति । आह । अभिजित्या इत्यभि - जित्यै । अधिपतिरित्यधि - पतिः ।  
असि । प्राणायेति प्र - अनाय । त्वा । प्राणमिति प्र-अनम् ।

## TS 3.5.2.5

### TS 3.5.2.5

#### Samhita Paata

जिन्वेत्याह प्रजास्वेव प्राणान् दधाति त्रिवृदसि प्रवृदसीत्याह मिथुनत्वाय सश्रोहोऽसि नीरोहोऽसीत्याह  
प्रजात्यै वसुकोऽसि वेषश्रिरसि वस्यष्टिरसीत्याह प्रतिष्ठित्यै ॥

**Pada Paata**

जिन्व । इति । आह । प्रजास्विति प्र - जासु । एव । प्राणानिति प्र - अनान् । दधाति ।  
 त्रिवृदिति त्रि - वृत् । असि । प्रवृदिति प्र - वृत् । असि । इति । आह । मिथुनत्वायेति  
 मिथुन - त्वाय । सःरोह इति सं - रोहः । असि । नीरोह इति निः - रोहः । असि । इति  
 । आह । प्रजात्या इति प्र - जात्यै । वसुकः । असि । वेषश्रिरिति वेष- श्रिः । असि ।  
 वस्यष्टिः । असि । इति । आह । प्रतिष्ठित्या इति प्रति - स्थित्यै ॥

**TS 3.5.3.1****TS 3.5.3.1****Samhita Paata**

अग्निना देवेन पृतना जयामि गायत्रेण छन्दसा त्रिवृता स्तोमेन रथन्तरेण साम्ना वषट्कारेण वज्रेण  
 पूर्वजान् भ्रातृव्यान् अधरान् पादयाम्यवैनान् बाधे प्रत्येनान्नुदेऽस्मिन् क्षयेऽस्मिन् भूमिलोके योऽस्मान्  
 द्वेष्टि यच्च वयं द्विष्मो विष्णोः क्रमेणाऽत्येनान् क्रामामीन्द्रेण देवेन पृतना जयामि त्रैष्टुभेन छन्दसा  
 पञ्चदशेन स्तोमेन बृहता साम्ना वषट्कारेण वज्रेण - [ ]

**Pada Paata**

अग्निना । देवेन । पृतनाः । जयामि । गायत्रेण । छन्दसा । त्रिवृतेति त्रि - वृता । स्तोमेन  
 । रथन्तरेणेति रथं - तरेण । साम्ना । वषट्कारेणेति वषट् - कारेण । वज्रेण । पूर्वजानिति पूर्व  
 - जान् । भ्रातृव्यान् । अधरान् । पादयामि । अवेति । एनान् । बाधे । प्रतीति । एनान् ।

नु॒दे । अ॒स्मिन् । क्ष॒यै । अ॒स्मिन् । भूमि॒लोक॑ इति॑ भूमि - लो॒के । यः । अ॒स्मान् । द्वेष्टि॑ ।  
यम् । च॒ । व॒यम् । द्विष्मः॑ । विष्णोः॑ । क्रमे॑ण । अती॑ति । ए॒नान् । क्रा॒मामि॑ । इ॒न्द्रेण॑  
। दे॒वेन॑ । पृ॒त॒नाः । ज॒यामि॑ । त्रैष्टु॑भेन । छ॒न्द॒सा । प॒ञ्चदु॑शेनेति॑ पञ्च - दु॒शेन॑ । स्तो॒मेन॑ ।  
बृ॒ह॒ता । सा॒म्रा । व॒षट्कारे॑णेति॑ वषट् - का॒रेण॑ । वज्रे॑ण ।

## TS 3.5.3.2

### TS 3.5.3.2

#### Samhita Paata

सह॒जान् । वि॒श्वेभि॑र्दे॒वेभिः॑ । पृ॒त॒ना ज॒यामि॑ जा॒ग॒तेन॑ छ॒न्द॒सा स॒प्तदु॑शेन॑ स्तो॒मेन॑ वा॒मदे॒व्येन॑ सा॒म्रा  
व॒षट्कारे॑ण॒ वज्रे॑णा॒ पर॒जानि॑न्द्रेण॒ स॒युजो॑ व॒यः सा॑स॒ह्याम॑ पृ॒त॒न्यतः॑ । घ्नन्तो॑ वृ॒त्राण्य॑प्र॒ति । यत्ते॑ अ॒ग्ने  
तेज॑स्तेना॒हं तेज॑स्वी भू॒यासं॑ यत्ते॑ अ॒ग्ने वर्च॑स्तेना॒हं वर्च॑स्वी भू॒यासं॑ यत्ते॑ अ॒ग्ने ह॒रस्तेना॑हं॒ ह॒रस्वी  
भू॒यासं॑ ॥

#### Pada Paata

सह॒जानि॑ति॒ सह - जान् । वि॒श्वेभिः॑ । दे॒वेभिः॑ । पृ॒त॒नाः । ज॒यामि॑ । जा॒ग॒तेन॑ । छ॒न्द॒सा ।  
स॒प्तदु॑शेनेति॑ स॒प्त - दु॒शेन॑ । स्तो॒मेन॑ । वा॒मदे॒व्येनेति॑ वा॒म-दे॒व्येन॑ । सा॒म्रा । व॒षट्कारे॑णेति॑ वषट्  
- का॒रेण॑ । वज्रे॑ण । अ॒पर॒जानि॑त्य॒पर - जान् । इ॒न्द्रेण॑ । स॒युज॑ इति॑ स-युजः॑ । व॒यम् ।  
सा॒स॒ह्याम॑ । पृ॒त॒न्यतः॑ ॥ घ्नन्तः॑ । वृ॒त्राणि॑ । अ॒प्रति॑ ॥ यत् । ते । अ॒ग्ने । तेजः॑ । तेन॑  
। अ॒हम् । तेज॑स्वी । भू॒यास॑म् । यत् । ते । अ॒ग्ने । वर्चः॑ । तेन॑ । अ॒हम् । वर्च॑स्वी ।

भूया॒सम् । यत् । ते । अ॒ग्ने । हरः॑ । तेन॑ । अ॒हम् । हर॒स्वी । भूया॒सम् ॥

## TS 3.5.4.1

### TS 3.5.4.1

#### Samhita Paata

ये दे॒वा य॑ज्ञ॒हनो॑ य॒ज्ञमु॑षः पृथि॒व्याम॑द्भ्यास॑न्ते । अ॒ग्निर्मा॑ तेभ्यो॑ रक्ष॒तु ग॑च्छेम सु॒कृतो॑ व॒यं ॥ आ॒ऽग॑न्म मि॒त्रावरु॑णा वरे॒ण्या रा॒त्रीणां॑ भा॒गो यु॒वयो॑र्यो अस्ति॑ । नाकं॑ गृ॒ह्णा॒नाः सु॑कृतस्य॑ लो॒के तृ॒तीये॑ पृ॒ष्ठे अधि॑ रोच॒ने दि॒वः ॥ ये दे॒वा य॑ज्ञ॒हनो॑ य॒ज्ञमु॑षोऽन्तरि॒क्षेऽद्भ्या॑सन्ते । वा॒युर्मा॑ तेभ्यो॑ रक्ष॒तु ग॑च्छेम सु॒कृतो॑ व॒यं ॥ यास्ते॒ रात्रीः॑ स॒वित - [ ]

#### Pada Paata

ये । दे॒वाः । य॒ज्ञ॒हन॒ इति॑ य॒ज्ञ - ह॒नः । य॒ज्ञमु॑ष॒ इति॑ य॒ज्ञ - मु॑षः । पृथि॒व्याम् । अधी॑ति॒ । आ॒स॑न्ते ॥ अ॒ग्निः । मा॒ । तेभ्यः॑ । र॒क्ष॒तु । ग॑च्छेम । सु॒कृत॒ इति॑ सु - कृतः॑ । व॒यम् ॥ एति॑ । अ॒ग॑न्म । मि॒त्रावरु॑णेति॑ मि॒त्रा-वरु॑णा । वरे॒ण्या । रा॒त्रीणा॑म् । भा॒गः । यु॒वयोः॑ । यः । अस्ति॑ ॥ नाकं॑ । गृ॒ह्णा॒नाः । सु॑कृतस्येति॑ सु - कृतस्य॑ । लो॒के । तृ॒तीये॑ । पृ॒ष्ठे । अधी॑ति॒ । रोच॒ने । दि॒वः ॥ ये । दे॒वाः । य॒ज्ञ॒हन॒ इति॑ य॒ज्ञ - ह॒नः । य॒ज्ञमु॑ष॒ इति॑ य॒ज्ञ - मु॑षः । अ॒न्तरि॑क्षे । अधी॑ति॒ । आ॒स॑न्ते ॥ वा॒युः । मा॒ । तेभ्यः॑ । र॒क्ष॒तु । ग॑च्छेम । सु॒कृत॒ इति॑ सु - कृतः॑ । व॒यम् ॥ याः । ते । रात्रीः॑ । स॒वि॒तः ।

## TS 3.5.4.2

### TS 3.5.4.2

#### Samhita Paata

-दे॒व॒या॒नी॒र॒न्त॒रा द्यावा॑पृथि॒वी वि॒यन्ति॑ । गृ॒हैश्च॑ स॒र्वैः प्र॒जया॑ न्व॒ग्रे सु॒वो रुहा॑णास्तरता॒ रजा॑सि ॥  
 ये दे॒वा य॑ज्ञ॒हनो॑ य॒ज्ञमु॑षो दि॒व्यद्वा॑स॒न्ते । सूर्यो॑ मा॒ तेभ्यो॑ रक्षतु॒ गच्छे॑म सु॒कृतो॑ व॒यं ॥ येनेन्द्रा॑य  
 स॒मभ॑रः प॒यास्यु॑त्त॒मेन॑ ह॒विषा॑ जा॒तवे॑दः । तेना॑ऽग्रे त्वमु॒त व॑र्द्धये॒मः स॑जा॒ताना॑ः श्रैष्ठ्य॒ आ धे॑ह्ये॒नं  
 ॥ य॒ज्ञ॒हनो॑ वै दे॒वा य॑ज्ञ॒मुषः॑ - [ ]

#### Pada Paata

दे॒व॒या॒नी॒र॒िति॑ दे॒व - या॒नीः । अ॒न्त॒रा । द्यावा॑पृथि॒वी इति॑ द्यावा॑ - पृथि॒वी । वि॒यन्तीति॑ वि -  
 यन्ति॑ ॥ गृ॒हैः । च । स॒र्वैः । प्र॒जयेति॑ प्र - जया॑ । नु । अ॒ग्रे । सु॒वः । रुहा॑णाः । त॒र॒त  
 । रजा॑सि ॥ ये । दे॒वाः । य॒ज्ञ॒हन इति॑ य॒ज्ञ - ह॒नः । य॒ज्ञमु॑ष इति॑ य॒ज्ञ - मु॑षः । दि॒वि  
 । अधीति॑ । आस॑न्ते ॥ सूर्यः॑ । मा॒ । तेभ्यः॑ । रक्ष॑तु । गच्छे॑म । सु॒कृत इति॑ सु - कृतः  
 । व॒यम् ॥ येन॑ । इन्द्रा॑य । स॒मभ॑र इति॑ सं - अभ॑रः । प॒यासि॑ । उ॒त्त॒मेनेत्यु॑त् - त॒मेन॑  
 । ह॒विषा॑ । जा॒तवे॑द इति॑ जा॒त - वे॑दः ॥ तेन॑ । अ॒ग्रे । त्वम् । उ॒त । वर्द्ध॑य । इ॒मम् ।  
 स॒जा॒ताना॑मिति॑ स - जा॒ताना॑म् । श्रैष्ठ्ये॑ । एति॑ । धे॒हि । ए॒नम् ॥ य॒ज्ञ॒हन इति॑ य॒ज्ञ - ह॒नः ।  
 वै । दे॒वाः । य॒ज्ञमु॑ष इति॑ य॒ज्ञ - मु॑षः ।



## TS 3.5.4.3

### TS 3.5.4.3

#### Samhita Paata

सन्ति त एषु लोकेष्वांसत आददाना विमश्राना यो ददाति यो यजते तस्य । ये देवा यज्ञहनः  
पृथिव्यामद्भ्यासन्ते ये अन्तरिक्षे ये दिवीत्याहेमानेव लोकास्तीर्त्वा सगृहः सपशुः सुवर्गं लोकमेत्यप  
वै सोमेनेजानाद्देवताश्च यज्ञश्च क्रामन्त्याग्नेयं पञ्चकपालमुदवसानीयं निर्वपेदग्निः सर्वा देवताः - [ ]

#### Pada Paata

सन्ति । ते । एषु । लोकेषु । आसन्ते । आददाना इत्या - ददानाः । विमश्राना इति वि-मश्रानाः  
। यः । ददाति । यः । यजते । तस्य ॥ ये । देवाः । यज्ञहन इति यज्ञ - हनः ।  
पृथिव्याम् । अधीति । आसन्ते । ये । अन्तरिक्षे । ये । दिवि । इति । आह । इमान् ।  
एव । लोकान् । तीर्त्वा । सगृह इति स - गृहः । सपशुरिति स - पशुः । सुवर्गमिति सुवः  
- गम् । लोकम् । एति । अपेति । वै । सोमेन । ईजानात् । देवताः । च । यज्ञः । च  
। क्रामन्ति । आग्नेयम् । पञ्चकपालमिति पञ्च - कपालम् । उदवसानीयमित्युत् - अवसानीयम्  
। निरिति । वपेत् । अग्निः । सर्वाः । देवताः ।

## TS 3.5.4.4

### TS 3.5.4.4

#### Samhita Paata

पाङ्क्तो॑ य॒ज्ञो दे॒वतां॑श्चै॒व य॒ज्ञाव॑ रु॒न्धेगा॑य॒त्रो वा अ॒ग्निर्गा॑य॒त्र छ॑न्दा॒स्तं छ॑न्द॒सा व्य॑र्द्धयति॒ यत्  
पञ्च॑क॒पालं॑ क॒रोत्य॑ष्टाक॒पालः॑ का॒र्योऽष्टा॑क्ष॒रा गा॑य॒त्री गा॑य॒त्रोऽग्नि॑-गा॒य॒त्र छ॑न्दाः॒ स्वेनै॒वैनं॑ छ॒न्दसा॑  
सम॑र्द्धयति॒ प॒ङ्क्त्यौ॑ या॒ज्यानु॑वा॒क्ये भ॑वतः॒ पाङ्क्तो॑ य॒ज्ञस्तेनै॒व य॒ज्ञानै॑ति ॥

### Pada Paata

पाङ्क्तः॑ । य॒ज्ञः । दे॒वताः॑ । च । ए॒व । य॒ज्ञम् । च । अ॒वेति॑ । रु॒न्धे । गा॑य॒त्रः । वै ।  
अ॒ग्निः । गा॑य॒त्रछ॑न्दा॒ इति॑ गा॒य॒त्र - छ॑न्दाः । तम् । छ॒न्दसा॑ । वी॒ति । अ॒र्द्धय॑ति । यत्  
। पञ्च॑क॒पालमि॑ति॒ पञ्च॑ - क॒पालम् । क॒रोति॑ । अ॒ष्टाक॑पाल॒ इत्य॑ष्टा - क॒पालः॑ । का॒र्यः ।  
अ॒ष्टाक्ष॑रेत्य॒ष्टा - अ॒क्षरा॑ । गा॑य॒त्री । गा॑य॒त्रः । अ॒ग्निः । गा॑य॒त्रछ॑न्दा॒ इति॑ गा॒य॒त्र - छ॑न्दाः ।  
स्वेन॑ । ए॒व । ए॒नम् । छ॒न्दसा॑ । समि॑ति । अ॒र्द्धय॑ति । प॒ङ्क्त्यौ॑ । या॒ज्यानु॑वा॒क्ये इति॑ या॒ज्या  
- अ॒नुवा॑क्ये । भ॒वतः॑ । पाङ्क्तः॑ । य॒ज्ञः । तेन॑ । ए॒व । य॒ज्ञात् । न । ए॒ति ॥

## TS 3.5.5.1

### TS 3.5.5.1

#### Samhita Paata

सूर्यो॑ मा दे॒वो दे॒वेभ्यः॑ पातु वा॒युर॒न्तरि॑क्षाद्-य॒जमा॑नोऽग्नि॒र्मा पातु॑ चक्षु॒षः । सक्षु॑ शू॒ष स॒र्वित॑र्वि॒श्वच॑र॒ षण  
ए॒तेभिः॑ सोम॒ नाम॑भिर्वि॒धेम ते॒ तेभिः॑ सोम॒ नाम॑भिर्वि॒धेम ते ॥ अ॒हं प॒रस्ता॑द्-ह॒मव॑स्ता॒द्दहं॑ ज्योति॑षा  
वि तमो॑ ववार । यद॒न्तरि॑क्षं तदु॑ मे पि॒ताऽभू॑द्दह॒ः सूर्य॑मु॒भय॑तो दद॒र॒शाहं॑ भू॒या स॑मुत्त॒मः स॑मा॒नाना॑  
- [ ]

**Pada Paata**

सूर्यः । मा । देवः । देवेभ्यः । पातु । वायुः । अन्तरिक्षात् । यजमानः । अग्निः । मा । पातु । चक्षुषः ॥ सक्षं । शूषं । सवितः । विश्वचरुषण इति विश्व - चरुषणे । एतेभिः । सोम । नामभिरिति नाम - भिः । विधेम । ते । तेभिः । सोम । नामभिरिति नाम-भिः । विधेम । ते ॥ अहम् । प्रस्तात् । अहम् । अवस्तात् । अहम् । ज्योतिषा । वीति । तमः । ववार ॥ यत् । अन्तरिक्षम् । तत् । उ । मे । पिता । अभूत् । अहम् । सूर्यम् । उभयतः । ददरुश । अहम् । भूयासम् । उत्तम इत्युत् - तमः । समानानाम् ।

**TS 3.5.5.2****TS 3.5.5.2****Samhita Paata**

मा समुद्रा-दाऽन्तरिक्षात्-प्रजापतिरुद्धि च्यावयातीन्द्रः प्रस्रौतु मरुतो वरुषयन्तून्मभय पृथिवीं भिन्धीदं दिव्यं नभः । उद्रो दिव्यस्य नो देहीशानो विसृजा दिति ॥ पशवो वा एते यदादित्य एष रुद्रो यदग्निरोषधीः प्रास्याग्रावादित्यं जुहोति रुद्रादेव प्रशूनन्तर्दधात्यथो ओषधीष्वेव प्रशून् - [ ]

**Pada Paata**

एति । समुद्रात् । एति । अन्तरिक्षात् । प्रजापतिरिति प्रजा - पतिः । उद्धिमित्युद - धिम् । च्यावयाति । इन्द्रः । प्रेति । स्रौतु । मरुतः । वरुषयन्तु । उदिति । नभंय । पृथिवीम् ।

भिन्धि । इदम् । दिव्यम् । नभः ॥ उद्रः । दिव्यस्य । नः । देहि । ईशानः । वीति ।  
 सृज । दत्तिम् ॥ पशवः । वै । एते । यत् । आदित्यः । एषः । रुद्रः । यत् । अग्निः ।  
 ओषधीः । प्रास्येति प्र - अस्य । अग्नौ । आदित्यम् । जुहोति । रुद्रात् । एव । पशून् ।  
 अन्तः । दुधाति । अथो इति । ओषधीषु । एव । पशून् ।

## TS 3.5.5.3

### TS 3.5.5.3

#### Samhita Paata

प्रतिष्ठापयति कविर्यज्ञस्य वितनोति पन्थां नाकस्य पृष्ठे अधि रोचने दिवः । येन हव्यं वहसि यासि  
 दूत इतः प्रचेता अमुतः सनीयान् ॥ यास्ते विश्वाः समिधः सन्त्यग्नेयाः पृथिव्यां बरुहिषि सूर्ये  
 याः । तास्ते गच्छन्त्वाहुतिं घृतस्य देवायते यजमानाय शर्म ॥ आशासानः सुवीर्यं रायस्पोषः  
 स्वश्चियं । बृहस्पतिना राया स्वगाकृतो मह्यं यजमानाय ( ) तिष्ठ ॥

#### Pada Paata

प्रतीति । स्थापयति । कविः । यज्ञस्य । वीति । तनोति । पन्थाम् । नाकस्य । पृष्ठे ।  
 अधीति । रोचने । दिवः ॥ येन । हव्यम् । वहसि । यासि । दूतः । इतः । प्रचेता इति  
 प्रचेताः । अमुतः । सनीयान् ॥ याः । ते । विश्वाः । समिध इति सं - इधः । सन्ति ।  
 अग्ने । याः । पृथिव्याम् । बरुहिषि । सूर्ये । याः ॥ ताः । ते । गच्छन्तु । आहुतिमित्या -  
 हुतिम् । घृतस्य । देवायत इति देव - यते । यजमानाय । शर्म ॥ आशासान इत्यां - शासानः

। सुवीर्यमिति सु - वीर्यम् । रायः । पोषम् । स्वश्वियमिति सु - अश्वियम् ॥ बृहस्पतिना ।  
राया । स्वगाकृत इति स्वगा - कृतः । मह्यम् । यजमानाय ( ) । तिष्ठ ॥

## TS 3.5.6.1

### TS 3.5.6.1

#### Samhita Paata

सं त्वा नह्यामि पयसा घृतेन सं त्वा नह्याम्यप ओषधीभिः । सं त्वा नह्यामि प्रजयाऽहमद्य सा  
दीक्षिता सनवो वाजम्स्मे ॥ प्रेतु ब्रह्मणस्पत्नी वेदिं वर्णेन सीदतु । अथाहमनुकामिनी स्वे लोके  
विशा इह ॥ सुप्रजसस्त्वा वयः सुपत्नीरुपं सेदिम । अग्रे सपत्नदम्भनमदब्धासो अदाभ्यं ॥  
इमं विष्यामि वरुणस्य पाशं - [ ]

#### Pada Paata

समिति । त्वा । नह्यामि । पयसा । घृतेन । समिति । त्वा । नह्यामि । अपः ।  
ओषधीभिरित्योषधि - भिः ॥ समिति । त्वा । नह्यामि । प्रजयेति प्र - जया । अहम् । अद्य  
। सा । दीक्षिता । सनवः । वाजम् । अस्मे इति ॥ प्रेति । एतु । ब्रह्मणः । पत्नी ।  
वेदिम् । वर्णेन । सीदतु ॥ अथ । अहम् । अनुकामिनीत्यनु-कामिनी । स्वे । लोके । विशे  
। इह ॥ सुप्रजस इति सु - प्रजसः । त्वा । वयम् । सुपत्नीरिति सु - पत्नीः । उपेति ।  
सेदिम् ॥ अग्रे । सपत्नदम्भनमिति सपत्न - दम्भनम् । अदब्धासः । अदाभ्यम् ॥ इमम् ।  
वीति । स्यामि । वरुणस्य । पाशम् ।

## TS 3.5.6.2

### TS 3.5.6.2

#### Samhita Paata

यमबद्धीत सविता सुकेतः । धातुश्च योनौ सुकृतस्य लोके स्योनं मे सह पत्यां करोमि ॥ प्रेह्युदेह्युतस्य  
वामीरन्वग्निस्तेऽग्रं नयत्वदितिर्मद्ध्यं ददताः रुद्रावसृष्टाऽसि युवा नाम मा मा हिंसीर्वसुभ्यो रुद्रेभ्य  
आदित्येभ्यो विश्वेभ्यो वो देवेभ्यः पन्नेजनीर्गृह्णामि यज्ञाय वः पन्नेजनीः सादयामि विश्वस्य ते  
विश्वावतो वृष्णिंयावत् - [ ]

#### Pada Paata

यम् । अबद्धीत । सविता । सुकेतु इति सु-केतः ॥ धातुः । च । योनौ । सुकृतस्येति सु -  
कृतस्य । लोके । स्योनम् । मे । सह । पत्यां । करोमि ॥ प्रेति । इहि । उदेहीत्युत्-एहि  
। ऋतस्य । वामीः । अन्विति । अग्निः । ते । अग्रम् । नयतु । अदितिः । मद्ध्यम् ।  
ददताम् । रुद्रावसृष्टेति रुद्र-अवसृष्टा । असि । युवा । नाम । मा । मा । हिंसीः । वसुभ्य  
इति वसु-भ्यः । रुद्रेभ्यः । आदित्येभ्यः । विश्वेभ्यः । वः । देवेभ्यः । पन्नेजनीरिति पत् -  
नेजनीः । गृह्णामि । यज्ञाय । वः । पन्नेजनीरिति पत् - नेजनीः । सादयामि । विश्वस्य । ते  
। विश्वावत् इति विश्व-वत् । वृष्णिंयावत् इति वृष्णिय-वत् ।

## TS 3.5.6.3

### TS 3.5.6.3

#### Samhita Paata

स्तवा॑ग्रे वा॒मीरनु॑ सु॒दंशि॑ विश्वा॒ रेता॑सि धिषी॒याऽगन्॑ देवान्. य॒ज्ञो नि॑ दे॒वीर्दे॒वेभ्यो॑ य॒ज्ञम॑शिषन्न॒स्मिन्धु॑  
सु॒न्वति॑ यज॑मान आ॒शिषः॑ स्वाहा॑कृताः समु॒द्रेष्ठा॑ गन्ध॒र्वमाति॑ष्ठ॒तानु॑ । वात॑स्य॒ प॒त्मन्नि॒ड ईडि॑ताः  
॥

#### Pada Paata

तव॑ । अ॒ग्रे । वा॒मीः । अ॒न्विति॑ । सु॒दंशीति॑ सं - द॒शि । विश्वा॑ । रेता॑सि । धिषी॒य ।  
अ॒गन् । दे॒वान् । य॒ज्ञः । नीति॑ । दे॒वीः । दे॒वेभ्यः॑ । य॒ज्ञम् । अ॒शिष॑न् । अ॒स्मिन् ।  
सु॒न्वति॑ । यज॑माने । आ॒शिष॑ इत्या॑ - शिषः॑ । स्वाहा॑कृता इति॑ स्वाहा॑ - कृताः॑ । समु॒द्रेष्ठा॑  
इति॑ समुद्रे - स्थाः । गन्ध॒र्वम् । एति॑ । तिष्ठ॑त॒ । अनु॑ ॥ वात॑स्य । प॒त्मन् । इडः॑ । ईडि॑ताः ॥

## TS 3.5.7.1

### TS 3.5.7.1

#### Samhita Paata

व॒षट्कारो॑ वै गा॒यत्रि॒यै शिरो॑ऽछि॒नुत् तस्यै॑ रसः॒ परा॑ऽप॒त॒त् स पृ॑थि॒वीं प्रावि॑श॒त्स ख॑दिरो॒ऽभव॑द्यस्य॒  
खादि॑रः स्रु॒वो भव॑ति॒ छन्द॑सामे॒व रसे॑नाव॒ द्यति॑ सर॑सा अ॒स्याऽऽ\*हु॑तयो भवन्ति॒ तृतीय॑स्यामि॒तो

दिवि सोमं आसीत् तं गायत्र्याऽ ह॑रत् तस्य॑ पर्णम॑च्छिद्यत् तत् पर्णोऽभ॑वत् तत् पर्णस्य॑ पर्ण॑त्वं  
यस्य॑ पर्ण॑मयी जु॒हू - [ ]

### Pada Paata

व॒षट्कार इति॑ वषट् - क॒रः । वै । गाय॑त्रियै । शिरः॑ । अ॒च्छि॒नत् । तस्यै॑ । रसः॑ । परेति॑ ।  
अ॒प॒तत् । सः । पृथि॑वीम् । प्रेति॑ । अ॒वि॒शत् । सः । ख॒दिरः । अ॒भ॒वत् । यस्य॑ । ख॒दिरः  
। सु॒वः । भव॑ति । छन्द॑साम् । ए॒व । रसे॑न । अवेति॑ । द्यति॑ । सर॑सा इति॑ स - र॒साः  
। अ॒स्य । आहु॑तय॒ इत्या - हु॒तयः॑ । भ॒वन्ति॑ । तृती॑यस्याम् । इ॒तः । दि॒वि । सोमः॑ ।  
आ॒सीत् । तम् । गाय॑त्री । एति॑ । अ॒ह॒रत् । तस्य॑ । पर्ण॑म् । अ॒च्छि॒द्यत् । तत् । पर्णः॑ ।  
अ॒भ॒वत् । तत् । पर्ण॑स्य॑ । पर्ण॑त्वमिति॑ पर्ण - त्वम् । यस्य॑ । पर्ण॑मयीति॑ पर्ण - मयी॑ । जु॒हूः ।

## TS 3.5.7.2

### TS 3.5.7.2

#### Samhita Paata

-भव॑ति सौ॒म्या अ॒स्याऽऽ\*हु॑तयो भवन्ति जु॒षन्ते॑ऽस्य दे॒वा आहु॑तीर्दे॒वा वै ब्रह्म॑न्नवदन्त॒ तत् पर्ण॑  
उपा॑ऽ\*शृ॒णोथ् सु॒श्रवा॑ वै नाम॒ यस्य॑ पर्ण॑मयी जु॒हूर्भव॑ति न पा॒पश् श्लोक॑श् शृ॒णोति॑ ब्रह्म॒ वै पर्णो॑  
विण्म॑रुतोऽन्नं विण्मा॑रुतोऽश्च॒त्थो यस्य॑ पर्ण॑मयी जु॒हूर्भव॑त्या-श्च॒त्-थ्युप॑भृद्- ब्रह्म॑णै॒वान्न॑मव॒ रुन्धे॑ऽथो  
ब्रह्मै॑ - [ ]



**Pada Paata**

भव॑ति । सौ॒म्याः । अ॒स्य॒ । आहु॑तय॒ इत्या - हु॒तयः॑ । भ॒वन्ति॑ । जु॒षन्ते॑ । अ॒स्य॒ । दे॒वाः ।  
 । आहु॑तीरित्या - हु॒तीः । दे॒वाः । वै । ब्र॒ह्म॒च् । अ॒व॒द॒न्त॒ । तत् । प॒र्णः । उ॒पेति॑ ।  
 अ॒शृ॒णो॒त् । सु॒श्र॒वा॒ इति॑ सु - श्र॒वाः॑ । वै । ना॒म॑ । य॒स्य॑ । प॒र्ण॒मयी॑ति॒ प॒र्ण - मयी॑ । जु॒हूः ।  
 । भ॒व॑ति । न । पा॒पम् । श्लो॒कम् । शृ॒णो॒ति॒ । ब्र॒ह्म॒ । वै । प॒र्णः । वि॒ट् । म॒रु॒तः ।  
 अ॒न्नम् । वि॒ट् । मा॒रु॒तः । अ॒श्व॒त्थः । य॒स्य॑ । प॒र्ण॒मयी॑ति॒ प॒र्ण-मयी॑ । जु॒हूः । भ॒व॑ति ।  
 आ॒श्व॒त्थी । उ॒प॒भृ॒तित्यु॑प - भृ॒त् । ब्र॒ह्म॒णा । ए॒व । अ॒न्नम् । अ॒वे॒ति॑ । रु॒न्धे । अ॒थो॒ इति॑ । ब्र॒ह्म॒ ।

**TS 3.5.7.3****TS 3.5.7.3****Samhita Paata**

-व वि॒श्य॒द्भ्यू॑हति रा॒ष्ट्रं वै प॒र्णो वि॒डंश्च॑त्थो यत् प॒र्ण॒मयी॑ जु॒हूर्भव॑त्या-श्व॒त्थ्यु॒प॒भृ॒द्-रा॒ष्ट्रमे॒व वि॒श्य॒द्भ्यू॑हति  
 प्र॒जाप॑ति॒र्वा अ॑जुहो॒थ सा य॒त्राऽऽ\*हु॑तिः प्र॒त्य॒ति॒ष्ठ॒त् ततो॑ वि॒क॑ङ्क॒त् उ॒द॑ति॒ष्ठ॒त् ततः॑ प्र॒जा अ॑सृ॒ज॒त्  
 य॒स्य॒ वैक॑ङ्क॒ती ध्रु॒वा भ॒व॑ति प्र॒त्य॒वा॒स्या ऽऽ\*हु॑तय॒स्तिष्ठ॑न्त्यथो प्रै॒व जा॑यत ए॒तद्वै सु॒चाः ( ) रू॒पं  
 य॒स्यैव॑ रू॒पाः सु॒चो भ॒व॑न्ति सर्वा॑ण्ये॒वैनं॑ रू॒पाणि॑ प॒शूना॑मु॒प॑तिष्ठन्ते ना॒स्याप॑-रू॒पमा॑त्म॒जाय॑ते ॥

**Pada Paata**

ए॒व । वि॒शि॒ । अ॒धी॒ति॑ । ऊ॒ह॒ति॑ । रा॒ष्ट्रम् । वै । प॒र्णः । वि॒ट् । अ॒श्व॒त्थः । यत् ।

पु॒र्णमयी॑तिं पर्ण - मयी॑ । जु॒हूः । भव॑न्ति । आश्व॑त्थी । उ॒प॒भृ॒तित्यु॑प-भृत् । रा॒ष्ट्रम् । ए॒व ।  
 वि॒शि । अधी॑ति । ऊ॒हृति॑ । प्र॒जाप॑तिरिति प्र॒जा - प॒तिः । वै । अ॒ज॒होत् । सा । यत्र॑ ।  
 आहु॑तिरित्या - हु॒तः । प्र॒त्यति॑ष्ठदिति प्रति - अति॑ष्ठत् । ततः॑ । वि॒क॒ङ्क॒त॒ इति॑ वि - क॒ङ्क॒तः ।  
 उ॒दिति॑ । अ॒ति॒ष्ठत् । ततः॑ । प्र॒जा इति॑ प्र - जाः । अ॒सृ॒ज॒त् । यस्य॑ । वै॒क॒ङ्क॒ती । ध्रु॒वा ।  
 भव॑न्ति । प्र॒तीति॑ । ए॒व । अ॒स्य । आहु॑तय॒ इत्या॒हु॒तयः॑ । ति॒ष्ठन्ति॑ । अथो॑ इति । प्रे॒ति ।  
 ए॒व । जा॒य॒ते । ए॒तत् । वै । सु॒चाम् ( ) । रू॒पम् । यस्य॑ । ए॒वः रू॒पा॒ इत्ये॒वं - रू॒पाः ।  
 सु॒चः । भव॑न्ति । सर्वा॑णि । ए॒व । ए॒नम् । रू॒पाणि॑ । प॒शूनाम् । उपे॑ति । ति॒ष्ठन्ते॑ । न ।  
 अ॒स्य । अप॑रूपमित्यप - रू॒पम् । आ॒त्मन् । जा॒य॒ते ॥

## TS 3.5.8.1

### TS 3.5.8.1

#### Samhita Paata

उ॒प॒या॒म॒गृ॒हीतो॑ऽसि प्र॒जाप॑तये त्वा॒ ज्योति॑ष्मते ज्योति॑ष्मन्तं गृ॒ह्णामि॑ दक्षाय दक्ष॑वृधे रा॒तं दे॒वेभ्यो॑ऽग्नि  
 जि॒ह्वेभ्य॑स्त्वर्तायु॒भ्य इन्द्र॑ज्येष्ठेभ्यो वरु॑णराजभ्यो वा॒तापि॑भ्यः पु॒र्जन्या॑त्मभ्यो दि॒वे त्वा॒ऽन्तरि॑क्षाय त्वा  
 पृथि॑व्यै त्वा॒ऽपेन्द्र॑ द्विष॒तो मनो॑ऽप॒ जिज्या॑सतो ज॒ह्याप॒ यो नो॑ऽराती॒यति॑ तं ज॒हि प्रा॒णाय॑ त्वा॒ऽपा॒नाय॑  
 त्वा व्या॒नाय॑ त्वा स॒ते त्वा॒ऽस॒ते त्वा॒ऽद्भ्यस्त्वौष॑धीभ्यो ( ) वि॒श्वेभ्य॑स्त्वा भू॒तेभ्यो॑ यतः प्र॒जा अ॒क्खि॑द्रा  
 अजा॑यन्त॒ तस्मै॑ त्वा प्र॒जाप॑तये वि॒भूदा॑व॒न्ने ज्योति॑ष्मते ज्योति॑ष्मन्तं जुहोमि ॥

#### Pada Paata

उ॒प॒या॒म॒गृ॒ही॒त॒ इत्यु॑प॒या॒म॒ - गृ॒ही॒तः । अ॒सि॒ । प्र॒जाप॑त॒य॒ इति॑ प्र॒जा-प॒त॒ये । त्वा॒ । ज्योति॑ष्मते ।  
 ज्योति॑ष्मन्तम् । गृ॒ह्णामि॑ । दक्षाय॑ । दक्ष॑वृ॒ध॒ इति॑ दक्ष - वृ॒धे॑ । रा॒तम् । दे॒वेभ्यः॑ । अ॒ग्नि॒जि॒ह्वेभ्य॑  
 इत्य॑ग्नि - जि॒ह्वेभ्यः॑ । त्वा॒ । ऋ॒ता॒युभ्य॑ इत्यृ॒ता॒यु - भ्यः॑ । इन्द्र॑ज्ये॒ष्ठेभ्य॑ इतीन्द्र॑-ज्ये॒ष्ठेभ्यः॑ ।  
 वरु॑णराजभ्य॑ इति॑ वरु॑णराज-भ्यः॑ । वा॒तापि॑भ्य॑ इति॑ वा॒तापि॑-भ्यः॑ । पर्ज॑न्या॒त्मभ्य॑ इति॑ पर्ज॑न्या॒त्म-  
 भ्यः॑ । दि॒वे । त्वा॒ । अ॒न्तरि॑क्षाय । त्वा॒ । पृ॒थि॒व्यै । त्वा॒ । अ॒पेति॑ । इन्द्र॑ । द्वि॒ष॒तः ।  
 मनः॑ । अ॒पेति॑ । जि॒ज्या॑सतः । ज॒हि॒ । अ॒पेति॑ । यः । नः॑ । अ॒रा॒ती॒यति॑ । तम् । ज॒हि॒ ।  
 प्रा॒णा॒येति॑ प्रा - अ॒नाय॑ । त्वा॒ । अ॒पा॒ना॒येत्य॑प-अ॒नाय॑ । त्वा॒ । व्या॒ना॒येति॑ वि - अ॒नाय॑ । त्वा॒  
 । स॒ते । त्वा॒ । अ॒स॒ते । त्वा॒ । अ॒द्भ्य॑ इत्य॑त् - भ्यः॑ । त्वा॒ । ओष॑धीभ्य॑ इत्योष॑धि-भ्यः॑ ( ) ।  
 वि॒श्वेभ्यः॑ । त्वा॒ । भू॒तेभ्यः॑ । यतः॑ । प्र॒जा इति॑ प्र - जाः । अ॒क्वि॒व॒द्राः । अ॒जा॒यन्त॑ ।  
 तस्मै॑ । त्वा॒ । प्र॒जाप॑त॒य॒ इति॑ प्र॒जा - प॒त॒ये । वि॒भू॒दाव॑, न्न इति॑ वि॒भु - दाव॑, न्नै॑ । ज्योति॑ष्मते ।  
 ज्योति॑ष्मन्तम् । जु॒होमि॑ ॥

## TS 3.5.9.1

### TS 3.5.9.1

#### Samhita Paata

याँ॒वा अ॑द्भ्युश्च॒ यज॑मानश्च॒ दे॒वता॑मन्तरि॒तस्तस्या॑ आ वृ॑श्च्येते प्राजाप॒त्यं द॑धिग्र॒हं गृ॑हीयात् प्रजाप॑तिः  
 सर्वा॑ दे॒वता॑ दे॒वता॑भ्य ए॒व नि॒हु॒वाते॑ ज्येष्ठो वा ए॒ष ग्र॑हा॒णां य॒स्यैष॑ गृ॒ह्यते॑ ज्यैष्ठ्य॑मे॒व ग॑च्छति॒ सर्वा॑सां  
 वा ए॒तद्दे॒वता॑नां॒ रूपं॑ य॒देष॑ ग्र॒हो य॒स्यैष॑ गृ॒ह्यते॑ सर्वा॑ण्ये॒वैनं॑ रूप॒ाणि प॑शूनामुपतिष्ठन्त उप॒या॒म॒गृ॒हीतो॑  
 - [ ]

**Pada Paata**

याम् । वै । अ॒द्भ॒र्युः । च । यज॑मानः । च । दे॒वता॑म् । अ॒न्त॒रि॒त इत्य॑न्तः - इतः । तस्यै॑ ।  
 एति॑ । वृ॒श्च॒ये॒ते इति॑ । प्रा॒जाप॑त्यमिति॑ प्राजा - प॒त्यम् । दधि॑ग्र॒हमि॑ति॑ दधि - ग्र॒हम् । गृ॒ह्णी॒यात् ।  
 प्रा॒जाप॑तिरिति॑ प्राजा - प॒तिः । सर्वाः॑ । दे॒वताः॑ । दे॒वता॑भ्यः । ए॒व । नीति॑ । हु॒वा॒ते इति॑ । ज्ये॑ष्ठः  
 । वै । ए॒षः । ग्र॒हा॑णाम् । यस्य॑ । ए॒षः । गृ॒ह्यते॑ । ज्यै॑ष्ठ्यम् । ए॒व । ग॒च्छ॒ति । सर्वा॑साम् ।  
 वै । ए॒तत् । दे॒वता॑नाम् । रू॒पम् । यत् । ए॒षः । ग्र॒हः । यस्य॑ । ए॒षः । गृ॒ह्यते॑ । सर्वा॑णि  
 । ए॒व । ए॒नम् । रू॒पाणि॑ । प॒शूना॑म् । उपेति॑ । तिष्ठ॑न्ते । उ॒प॒या॒मगृ॑हीत॒ इत्यु॑प॒या॒म - गृ॑हीतः ।

**TS 3.5.9.2****TS 3.5.9.2****Samhita Paata**

-ऽसि प्राजाप॑तये त्वा॒ ज्योति॑ष्मते ज्योति॑ष्मन्तं गृ॒ह्णी॒मीत्या॑ह ज्योति॑रे॒वैन॑ः॒ समा॑नानां॑ करोत्यग्नि॑-  
 जि॒ह्वेभ्य॑स्त्वर्ता॒युभ्य॑ इत्या॑हैताव॑ती॒र्वै दे॒वता॑स्ताभ्य॑ ए॒वैन॑ः॒ सर्वा॑भ्यो गृ॒ह्णात्य॑पेन्द्र॑ द्विष॑तो म॒न इत्या॑ह  
 भ्रातृ॑व्याप॒नुत्तयै॑ प्रा॒णाय॑ त्वाऽपा॑नाय॒ त्वेत्या॑ह प्रा॒णाने॒व यज॑माने दधाति॑ तस्मै॑ त्वा प्राजाप॑तये  
 वि॒भूदा॑व॒न्ने ज्योति॑ष्मते ज्योति॑ष्मन्तं जुहो॑मी - [ ]

**Pada Paata**

अ॒सि । प्रा॒जाप॑तय॒ इति॑ प्राजा - प॒तये॑ । त्वा॒ । ज्योति॑ष्मते । ज्योति॑ष्मन्तम् । गृ॒ह्णामि॑ । इति॑

। आ॒ह । ज्योतिः॑ । ए॒व । ए॒न॒म् । स॒मा॒ना॒ना॑म् । क॒रो॒ति । अ॒ग्नि॒जि॒ह्वे॒भ्य इत्य॑ग्नि - जि॒ह्वे॒भ्यः  
 । त्वा॒ । ऋ॒ता॒यु॒भ्य इत्य॑यु॒ता॒यु - भ्यः॑ । इति॑ । आ॒ह । ए॒ता॒व॒तीः । वै । दे॒वताः॑ । ता॒भ्यः  
 । ए॒व । ए॒न॒म् । सर्वा॑भ्यः । गृ॒ह्णा॒ति । अ॒पे॒ति । इ॒न्द्र । द्वि॒ष॒तः । म॒नः । इति॑ । आ॒ह  
 । भ्रा॒तृ॒व्या॒प॒नु॒त्त्या इति॑ भ्रा॒तृ॒व्य - अ॒प॒नु॒त्त्यै । प्रा॒णा॒ये॒ति प्र - अ॒नाय॑ । त्वा॒ । अ॒पा॒ना॒ये॒त्य॑प  
 - अ॒नाय॑ । त्वा॒ । इति॑ । आ॒ह । प्रा॒णा॒नि॒ति प्र - अ॒ना॒न् । ए॒व । य॒ज॒मा॒ने । दु॒धा॒ति ।  
 तस्मै॑ । त्वा॒ । प्र॒जा॒प॒त॒य इति॑ प्र॒जा - प॒त॒ये । वि॒भू॒दा॒व॒न्न इति॑ वि॒भु - दा॒व॒न्ने । ज्योति॑ष्म॒ते ।  
 ज्योति॑ष्म॒न्त॒म् । जु॒हो॒मि ।

## TS 3.5.9.3

### TS 3.5.9.3

#### Samhita Paata

-त्या॑ह प्र॒जा॒प॒तिः सर्वा॑ दे॒वताः॑ सर्वा॑भ्य ए॒वैनं॑ दे॒वता॑भ्यो जु॒हो॒त्या॒ज्य॒ग्र॒हं गृ॒ह्णी॒यात् तेज॑स्का॒म॒स्य तेजो॑  
 वा आ॒ज्यं तेज॑स्व्ये॒व भ॑वति सोम॒ग्र॒हं गृ॒ह्णी॒याद्-ब्र॒ह्म॒व॒र्च॒स॒का॒म॒स्य ब्र॒ह्म॒व॒र्च॒सं वै सोमो॑ ब्र॒ह्म॒व॒र्च॒स्ये॒व  
 भ॑वति दधि॒ग्र॒हं गृ॒ह्णी॒यात् प॒शु॒का॒म॒स्यो॒र्ग्वे द॒ध्न्यू॒र्क् प॒श॒वं ऊ॒र्जे॒वा॒स्मा ऊ॒र्जं प॒शू॒न॒वं रु॒न्धे ॥

#### Pada Paata

इति॑ । आ॒ह । प्र॒जा॒प॒ति॒रिति॑ प्र॒जा - प॒तिः॑ । सर्वाः॑ । दे॒वताः॑ । सर्वा॑भ्यः । ए॒व । ए॒न॒म्  
 । दे॒वता॑भ्यः । जु॒हो॒ति । आ॒ज्य॒ग्र॒ह॒मि॒त्या॑ज्य - ग्र॒ह॒म् । गृ॒ह्णी॒यात् । तेज॑स्का॒म॒स्येति॑ तेजः॑ -  
 का॒म॒स्य । तेजः॑ । वै । आ॒ज्य॑म् । तेज॑स्वी । ए॒व । भ॒व॒ति । सो॒म॒ग्र॒ह॒मिति॑ सोम - ग्र॒ह॒म् ।  
 गृ॒ह्णी॒यात् । ब्र॒ह्म॒व॒र्च॒स॒का॒म॒स्येति॑ ब्र॒ह्म॒व॒र्च॒स - का॒म॒स्य । ब्र॒ह्म॒व॒र्च॒स॒मिति॑ ब्र॒ह्म - व॒र्च॒सम् । वै ।

सोमः । ब्रह्मवर्चसीति ब्रह्म - वर्चसी । एव । भवति । दुधिग्रहमिति दधि - ग्रहम् । गृहीयात् । पशुकामस्येति पशु - कामस्य । ऊर्क् । वै । दधि । ऊर्क् । पशवः । ऊर्जा । एव । अस्मै । ऊर्जम् । पशून् । अवेति । रुन्धे ॥

## TS 3.5.10.1

### TS 3.5.10.1

#### Samhita Paata

त्वे क्रतुमपि वृञ्जन्ति विश्वे द्विर्यदेते त्रि-भवन्त्यूमाः । स्वादोः स्वादीयः स्वादुनां सृजा समतं ऊ षु मधु मधुनाऽभि योधि । उपयामगृहीतोऽसि प्रजापतये त्वा जुष्टं गृह्याम्येष ते योनिः प्रजापतये त्वा ॥ प्राणग्रहान् गृह्यात्येतावद्वा अस्ति यावदेते ग्रहाः स्तोमाश्छन्दांसि पृष्ठानि दिशो यावदेवास्ति त - [ ]

#### Pada Paata

त्वे इति । क्रतुम् । अपीति । वृञ्जन्ति । विश्वे । द्विः । यत् । एते । त्रिः । भवन्ति । ऊमाः ॥ स्वादोः । स्वादीयः । स्वादुनां । सृज् । समिति । अतः । उ । स्विति । मधु । मधुना । अभीति । योधि ॥ उपयामगृहीत् इत्युपयाम - गृहीतः । असि । प्रजापतय इति प्रजा - पतये । त्वा । जुष्टम् । गृह्यामि । एषः । ते । योनिः । प्रजापतय इति प्रजा - पतये । त्वा ॥ प्राणग्रहानिति प्राण-ग्रहान् । गृह्याति । एतावत् । वै । अस्ति । यावत् । एते । ग्रहाः । स्तोमाः । छन्दांसि । पृष्ठानि । दिशः । यावत् । एव । अस्ति । तत् ।

## TS 3.5.10.2

### TS 3.5.10.2

#### Samhita Paata

-दव॑ रुन्धे ज्ये॒ष्ठा वा ए॒तान् ब्रा॑ह्म॒णाः पु॒रा वि॒दाम॑क्र॒न् तस्मा॑त् तेषा॑ः सर्वा॑ दि॒शोऽभि॒जिता॑ अभू॒वन्.  
यस्यै॑ ते गृह्यन्ते ज्यैष्ठ्य॑मे॒व ग॑च्छत्य॒भि दि॒शो ज॑यति॒ पञ्च॑ गृह्यन्ते॒ पञ्च॑ दि॒शः सर्वा॑स्वे॒व दि॒क्ष-  
वृ॒द्धु॒वन्ति॑ न॒व॒न॒व गृह्यन्ते॒ न॒व॒ वै पु॒रु॑षे प्रा॒णाः प्रा॒णाने॒व यज॑मानेषु॒ दध॑ति प्राय॒णीये॑ चोद॒यनी॑ये च  
गृह्यन्ते प्रा॒णा वै प्रा॑णग्र॒हाः - [ ]

#### Pada Paata

अवे॑ति॒ । रु॒न्धे । ज्ये॒ष्ठाः । वै । ए॒तान् । ब्रा॒ह्म॒णाः । पु॒रा । वि॒दाम् । अ॒क्र॒न् । तस्मा॑त् ।  
तेषा॑म् । सर्वाः॑ । दि॒शः । अ॒भि॒जिता॑ इत्य॒भि - जि॒ताः । अभू॒वन् । यस्य॑ । ए॒ते । गृह्यन्ते॑ ।  
ज्यैष्ठ्य॑म् । ए॒व । ग॒च्छ॒ति । अ॒भी॒ति॒ । दि॒शः । ज॑यति॒ । पञ्च॑ । गृह्यन्ते॒ । पञ्च॑ । दि॒शः ।  
सर्वा॑सु । ए॒व । दि॒क्षु । ऋ॒द्धु॒वन्ति॑ । न॒व॒न॒वेति॑ न॒व॒ - न॒व॒ । गृह्यन्ते॒ । न॒व॒ । वै । पु॒रु॑षे ।  
प्रा॒णा इति॑ प्र - अ॒नाः । प्रा॒णानि॑ति॒ प्र - अ॒नान् । ए॒व । यज॑मानेषु॒ । द॒ध॒ति॒ । प्रा॒य॒णीय॑ इति॑  
प्र - अ॒य॒नीये॑ । च॒ । उ॒द॒य॒नीय॑ इत्यु॒त् - अ॒य॒नीये॑ । च॒ । गृह्यन्ते॒ । प्रा॒णा इति॑ प्र - अ॒नाः ।  
वै । प्रा॒णग्र॒हा इति॑ प्रा॒ण - ग्र॒हाः ।

**TS 3.5.10.3****TS 3.5.10.3****Samhita Paata**

प्राणैरेव प्रयन्ति प्राणैरुद्यन्ति दशमेऽहन् गृह्यन्ते प्राणा वै प्राणग्रहाः प्राणेभ्यः खलु वा एतत् प्रजा  
यन्ति यद्वामदेव्यं योनेश्च्यवते दशमेऽहन् वामदेव्यं योनेश्च्यवते यद्दशमेऽहन् गृह्यन्ते प्राणेभ्य एव  
तत् प्रजा नयन्ति ॥

**Pada Paata**

प्राणैरिति प्र - अनैः । एव । प्रयन्तीति प्र - यन्ति । प्राणैरिति प्र - अनैः । उदिति । यन्ति  
। दशमे । अहन्न । गृह्यन्ते । प्राणा इति प्र - अनाः । वै । प्राणग्रहा इति प्राण - ग्रहाः  
। प्राणेभ्य इति प्र - अनेभ्यः । खलु । वै । एतत् । प्रजा इति प्र - जाः । यन्ति । यत्  
। वामदेव्यमिति वाम - देव्यम् । योनेः । च्यवते । दशमे । अहन्न । वामदेव्यमिति वाम -  
देव्यम् । योनेः । च्यवते । यत् । दशमे । अहन्न । गृह्यन्ते । प्राणेभ्य इति प्र - अनेभ्यः  
। एव । तत् । प्रजा इति प्र - जाः । न । यन्ति ॥

**TS 3.5.11.1****TS 3.5.11.1****Samhita Paata**



प्र दे॒वन्दे॒व्या धि॒या भर॑ता जा॒तवे॑दसं । ह॒व्या नो॑ वक्ष॒दानु॑षक् ॥ अ॒यमु॑ ष्य प्रदे॒वयु॑र्होता॑ य॒ज्ञाय॑  
नी॒यते । रथो॑ न यो॒रभी॑वृ॒तो घृ॑णी॒वान् चेत॑ति॒ त्मना॑ ॥ अ॒यम॑ग्नि॒रुरु॑ष्यत्य॒मृता॑दिव॒ जन्म॑नः ।  
सह॑सश्चि॒त् सही॑यान् दे॒वो जी॒वात॑वे कृतः ॥ इडा॑यास्त्वा प॒दे व॒यं नाभा॑ पृथि॒व्या अधि॑ । जा॒तवे॑दो  
नि धी॑म॒ह्यग्ने॑ ह॒व्याय॑ वोढ॑वे ॥

### Pada Paata

प्रेति॑ । दे॒वम् । दे॒व्या । धि॒या । भर॑त । जा॒तवे॑दस॒मिति॑ जा॒त - वे॒दस॒म् ॥ ह॒व्या । नः  
। व॒क्षत् । आ॒नु॒षक् ॥ अ॒यम् । उ । स्यः । प्रेति॑ । दे॒वयु॑रिति॑ दे॒व-युः । हो॒ता ।  
य॒ज्ञाय॑ । नी॒यते ॥ रथः॑ । न । योः । अ॒भीवृ॑त् इत्य॒भि - वृ॒तः । घृ॑णी॒वान् । चे॒तति॑ ।  
त्मना॑ ॥ अ॒यम् । अ॒ग्निः । उ॒रु॒ष्यति॑ । अ॒मृता॑त् । इ॒व । जन्म॑नः ॥ सह॑सः । चि॒त्  
। सही॑यान् । दे॒वः । जी॒वात॑वे । कृतः॑ ॥ इडा॑याः । त्वा । प॒दे । व॒यम् । नाभा॑ ।  
पृथि॒व्याः । अधि॑ ॥ जा॒तवे॑द इति॑ जा॒त - वे॒दः । नी॒ति । धी॑म॒हि । अ॒ग्ने । ह॒व्याय॑ । वोढ॑वे ॥

## TS 3.5.11.2

### TS 3.5.11.2

### Samhita Paata

अ॒ग्ने वि॒श्वे॑भिः स्वनी॒क दे॒वैरू॑र्णा॒वन्तं॑ प्रथ॒मः सी॒दु योनिं॑ । कु॒ला॒यिनं॑ घृ॒तव॑न्तः सवि॒त्रे य॒ज्ञं  
न॒य॒ यज॑मानाय सा॒धु ॥ सी॒दं हो॒तः स्व॑ उ॒ लो॒के चि॑कित्वा॒न्त्सा॒दया॑ य॒ज्ञं सु॑कृ॒तस्य॑ यो॒नौ  
। दे॒वा॒वी॒दे॒वान् ह॒विषा॑ यजा॒स्यग्ने॑ बृ॒हद्-यज॑माने॒ वयो॑ धाः ॥ नि होता॑ होतृ॒षद॑ने॒ विदा॑नस्त्वेषो

दी॒दि॒वाꣳ अ॒स॒द॒थ॒ सु॒दक्षः । अ॒द॒ब्ध॒व्र॒त-प्र॒म॒ति॒र्व॒सि॒ष्ठः स॒हस्रं॑ भ॒रः शु॒चि॑जिह्वो अ॒ग्निः ॥ त्वं दू॒त॒स्त्व  
- [ ]

### Pada Paata

अ॒ग्ने॑ । वि॒श्वे॑भिः । स्व॒नी॒केति॑ सु - अ॒नी॒क॒ । दे॒वैः । ऊ॒र्णा॑वन्त॒मित्यू॒र्णा॑-वन्त॒म् । प्र॒थ॒मः । सी॒द॒  
। यो॒नि॑म् ॥ कु॒ला॒यि॒न॑म् । घृ॒त॒व॑न्त॒मिति॑ घृ॒त - व॑न्त॒म् । स॒वि॒त्रे । य॒ज्ञ॒म् । न॒य॒ । य॒ज॑मा॒नाय॒  
। सा॒धु ॥ सी॒द॑ । हो॒तः । स्वे । उ॒ । लो॒के । चि॒कि॒त्वान् । सा॒द॒य॑ । य॒ज्ञ॒म् । सु॒कृ॒त॒स्येति॑  
सु - कृ॒त॒स्य॑ । यो॒नौ ॥ दे॒वा॒वी॒रि॒ति॑ दे॒व - अ॒वीः । दे॒वान् । ह॒वि॒षा॑ । य॒जा॒सि॒ । अ॒ग्ने॑ । बृ॒ह॒त्  
। य॒ज॑मा॒ने । व॒यः । धाः ॥ नी॒ति॑ । हो॒ता॑ । हो॒तृ॒ष॒द॒न॒ इति॑ हो॒तृ-स॒द॒ने । वि॒दा॒नः । त्वे॒षः ।  
दी॒दि॒वान् । अ॒स॒द॒त् । सु॒दक्ष॑ इति॑ सु - दक्षः ॥ अ॒द॒ब्ध॒व्र॒तप्र॒म॒ति॒रित्य॑द॒ब्ध॒व्र॒त - प्र॒म॒तिः । व॒सि॒ष्ठः  
। स॒ह॒स्र॒भ॒र॒ इति॑ स॒हस्रं॑ - भ॒रः । शु॒चि॑जिह्व इति॑ शु॒चि॑ - जिह्वः । अ॒ग्निः ॥ त्वम् । दू॒तः । त्वम् ।

## TS 3.5.11.3

### TS 3.5.11.3

### Samhita Paata

मुं नः पर॒स्पा॒स्त्वं व॒स्य॒ आ वृ॑षभ प्रणे॒ता । अ॒ग्ने॑ तो॒क॒स्य॑ न॒स्तने॑ त॒नूना॑म॒प्रयु॑च्छन् दी॒द्य॑द्बो॒धि गो॒पाः  
॥ अ॒भि॒ त्वा॑ दे॒व स॒वि॒त॒री॒शा॒नं वा॒र्या॑णां । स॒दा॒ऽव॒न् भा॒ग॒मी॒महे ॥ म॒ही द्यौः पृ॑थि॒वी च॑न॒ इ॒मं  
य॒ज्ञं मि॑मिक्षतां । पि॒पृ॒तां नो॒ भरी॑मभिः ॥ त्वा॒म॒ग्ने पु॒ष्के॒रा॒द॒द्ध्य॑थ॒र्वा नि॑र॒म॒न्थ॒त । मू॒र्द्धो वि॒श्व॑स्य  
वा॒घ॒तः ॥ तमु॑ - [ ]

**Pada Paata**

उ॒ । नः॑ । प॒र॒स्पा इति॑ परः - पाः । त्वम् । व॒स्यः॑ । ए॒ति॑ । वृ॒षभ॑ । प्र॒णे॒तेति॑ प्र - ने॒ता  
 ॥ अ॒ग्ने॑ । तो॒कस्य॑ । नः॑ । त॒नै॑ । त॒नूना॑म् । अ॒प्र॒युच्छ॑नित्यप्र - युच्छ॑न् । दी॒घत् । बो॒धि  
 । गो॒पा इति॑ गो-पाः ॥ अ॒भी॒ति॑ । त्वा॒ । दे॒व । स॒वि॒तः । ई॒शा॒नम् । वा॒र्या॑णाम् ॥ स॒दा॑ ।  
 अ॒व॒न् । भा॒गम् । ई॒म॒हे ॥ म॒ही । द्यौः॑ । पृ॒थि॒वी । च॒ । नः॑ । इ॒मम् । य॒ज्ञम् । मि॒मिक्ष॑ताम्  
 ॥ पि॒पृ॒ताम् । नः॑ । भ॒री॒म॒भिरि॑ति भ॒री॒म॒भिः ॥ त्वा॒म् । अ॒ग्ने॑ । पु॒ष्क॑रात् । अधी॒ति॑ । अथ॑र्वा  
 । नि॒रि॒ति॑ । अ॒म॒न्थ॑त् ॥ मूर्द्धः॑ । वि॒श्व॑स्य । वा॒घ॒तः ॥ तम् । उ॒ ।

**TS 3.5.11.4****TS 3.5.11.4****Samhita Paata**

त्वा दु॒ह्य॒ष्टुषिः॑ पु॒त्र ई॒धे अथ॑र्वणः । वृ॒त्र॒हणं॑ पु॒र॒न्द॒रं ॥ त॒मु॒ त्वा पा॒थ्यो वृ॒षा॒ समी॑धे द॒स्यु॒हन्त॑मं  
 । ध॒नं ज॒य॑ र॒णेर॑णे ॥ उ॒त ब्रु॑वन्तु ज॒न्त॒व उ॒द॒ग्नि॑र्वृ॒त्रहा॑ऽज॒नि । ध॒नं ज॒यो र॒णेर॑णे ॥ आ य॑  
 ह॒स्ते न॒ खा॒दि॒न॑ शि॒शुं जा॒तं न॒ बिभ्र॑ति । वि॒शा॒म॒ग्नि॑ स्व॒द्ध॒रं ॥ प्र॒दे॒वं दे॒ववी॑तये भ॒र॒ता व॒सु॒वित्त॑मं  
 । आ॒स्वे यो॒नौ नि॒ षी॑दतु ॥ आ - [ ]

**Pada Paata**

त्वा । दु॒द्व्यङ् । ऋ॒षिः । पु॒त्रः । ई॒धे । अथ॑र्वणः ॥ वृ॒त्र॒ह॒ण॒मि॒ति॑ वृ॒त्र - ह॒न॒म् । पु॒र॒न्द॒र॒मि॒ति॑  
 पु॒रं - द॒र॒म् ॥ त॒म् । उ॒ । त्वा । पा॒थ्यः । वृ॒षा॑ । स॒मि॒ति॑ । ई॒धे । दु॒स्यु॒ह॒न्त॑म॒मि॒ति॑ द॒स्यु  
 - ह॒न्त॑म॒म् ॥ ध॒न॒ञ्ज॒य॒मि॒ति॑ ध॒नं - ज॒य॒म् । र॒णै॒रण॑ इति॒ र॒णै - र॒णे ॥ उ॒त । ब्रु॒व॒न्तु॒ । ज॒न्त॒वः  
 । उ॒दि॒ति॑ । अ॒ग्निः । वृ॒त्र॒हे॒ति॑ वृ॒त्र - हा । अ॒ज॒नि॒ ॥ ध॒न॒ञ्ज॒य॒ इति॑ ध॒नं - ज॒यः । र॒णै॒रण॑ इति॒  
 र॒णै॒र॒णे ॥ ए॒ति॑ । य॒म् । ह॒स्ते॑ । न । स्वा॒दि॒न॒म् । शि॒शु॒म् । जा॒त॒म् । न । बि॒भ्र॑ति ॥  
 वि॒शाम् । अ॒ग्नि॒म् । स्व॒द्ध॒र॒मि॒ति॑ सु - अ॒ध्व॒र॒म् ॥ प्रे॒ति॑ । दे॒व॒म् । दे॒व॒वी॒त॒य॒ इति॑ दे॒व - वी॒त॒ये  
 । भ॒र॑त । व॒सु॒वि॒त्त॑म॒मि॒ति॑ व॒सु॒वि॒त्त॑-त॒म॒म् ॥ ए॒ति॑ । स्वे । यो॒नौ॑ । नी॒ति॑ । सी॒द॒तु॒ ॥ ए॒ति॑ ।

## TS 3.5.11.5

### TS 3.5.11.5

#### Samhita Paata

जा॒तं जा॒त॒वे॒द॒सि॑ प्रि॒यः शि॑शी॒ताऽति॑थिं । स्यो॒न आ गृ॑हप॒तिं ॥ अ॒ग्नि॒नाऽग्निः॑ स॒मि॒द्व्य॒ते क॒वि॒र्गृ॑हप॒तिर्यु॒वा॑  
 । ह॒व्य॒वा॒ङ् जु॒ह्वा॑स्यः ॥ त्वः॑ ह्य॒ग्ने अ॒ग्नि॒ना वि॒प्रो वि॒प्रे॒ण स॒न्ध॒स॒ता । स॒खा स॒ख्या॑ स॒मि॒द्व्य॒सै  
 ॥ तं म॑र्जयन्त सु॒क्र॒तुं पु॒रो॒या॒वा॒न॒मा॒जि॒षु॑ । स्वे॒षु क्ष॑ये॒षु वा॒जिनं॑ ॥ य॒ज्ञेन॑ य॒ज्ञम॑यजन्त दे॒वास्तानि॑  
 ध॒र्मा॒णि प्र॑थ॒मान्या॑सन् । ते ह॒ नाकं॑ म॒हि॒मानं॑ स॒च॒न्ते यत्र॑ ( ) पूर्वे॑ सा॒द्व्याः स॒न्ति दे॒वाः ॥

#### Pada Paata

जा॒त॒म् । जा॒त॒वे॒द॒सी॒ति॑ जा॒त - वे॒द॒सि॑ । प्रि॒य॒म् । शि॑शी॒त॒ । अ॒ति॒थि॒म् ॥ स्यो॒ने॒ । ए॒ति॑ ।  
 गृ॒ह॒प॒ति॒मि॒ति॑ गृ॒ह - प॒ति॒म् ॥ अ॒ग्नि॒ना॑ । अ॒ग्निः॑ । स॒मि॒ति॑ । इ॒द्व्य॒ते॒ । क॒विः॑ । गृ॒ह॒प॒ति॒रि॒ति॑

गृह - पतिः । युवाँ ॥ हव्यवाडिति हव्य - वाट् । जुह्वीस्य इति जुहु - आस्यः ॥ त्वम् । हि  
 । अग्ने । अग्निनाँ । विप्रः । विप्रेण । सन् । सता ॥ सखाँ । सख्याँ । समिद्धयसु इति  
 सं - इध्यसै ॥ तम् । मर्जयन्त । सुक्रतुमिति सु - क्रतुम् । पुरोयावानमिति पुरः - यावानम्  
 । आजिषुँ ॥ स्वेषुँ । क्षयेषु । वाजिनम् ॥ यज्ञेन । यज्ञम् । अयजन्त । देवाः । तानि ।  
 धर्माणि । प्रथमानि । आसन् ॥ ते । ह । नाकम् । महिमानः । सचन्ते । यत्र ( ) । पूर्वे  
 । साद्ध्याः । सन्ति । देवाः ॥